

Juni 22, 2020

www.awemainta.com

www.facebook.com/awemainta

noticia@awemainta.com

583-1400




AWEMainta

TIN OPERADORNAN DI NIGHTCLUB CU NO TA RESPETA LEY

< Sigui lesa na pagina 2 >



FIN di siman tras di lomba, Polis a dicidi di haci control riba establecimentonan cu Polis tin custumber ta di controla cu nunca ta cumpli cu orario di sierre. Nan mas bien ta burla di autoridad y asina mes Gobierno no ta haci nada contra nan, cu duna nan solamente un boet, cu nan ta paga pa fin di siman awor bolbe sigui cu e fiesta. Den e fin di siman aki, nan a haya un otro mas, cu no ta tene su mes na ley, cu manera ta ser bisa ta The Club di Otmar Oduber, pero e negoshi ta riba number di su yiu. Otmar Oduber mes tabata den The Club hinca. The Club no solamente a viola ley di sierre, pero a viola ley di seguridad di Aeropuerto. Pa Seguridad duna un empleado un badge pa subi tereno di Aeropuerto tin un cantidad di requisite. E requisitonan aki no ta valido pa The Club, cu ta keda den mesun edificio di Aviation General, cu ta keda riba tereno di Aeropuerto. Ta cu ki midi Departamento di Seguroidad di AAA ta midi anto? Si mañan FAA downgrade AAA, kende nos tin culpa? Parlamento mester laga institui un investigacion profundo di henter e caso di The Club riba tereno di Aeropuerto.



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

VCC
International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Violando ora di cierre y tur otro ley

Bebemento te madruga: Polis a cera "The Club" y duna un boet



DIASABRA anochi, despues di 11or, Polis a bay varios caminda pa cera diferente establecimiento cu no ta cumpli cu e orario di cierre cu no ta mas laat cu 11'or di anochi.

Un nightclub cu aparentemente a scapa tur e tempo, ta un nightclub cu ta medio scondi n'e parti pazuid di Aeropuerto Internacional di Aruba.

Un nightclub cu yama "The Club" y cu ta opera riba permiso di e hoben Jeandrick Oduber di 22 aña. E ta yiu di ex Minister Otmar Oduber, pero den boca di pueblo ta bisa cu e ta front su tata, de lo contrario e no por a haya tur e privilegionan cu e tin awor.

Aki bo mester bira miembro y unda bo lo haya un carchi di miembro y cu e mesun carchi ey ta swipe p'asina e porta habri. Aunke nan a keda opera tur e tempo sin wordo detecta, e biaha aki si nan turno a yega.

Polis a haya un tip di e movecionnan madruga banda di zuid di Acropuerto, esta duna tin negoshi di General Aviacion y

bay controla y a confirma e informacion cu nan a haya.

Un tiki prome cu 12'or di anochi (11:45 pm) e Team Unidad Motoriza di Polis a yega n'e club y a informa tur esnan presente cu fiesta a caba y cu tur mester sali. Asina poco poco tur hende a cuminsa Sali, mientras un multa a wordo duna n'e persona responsable e anochi ey.

Asina mes cu Polis tabata presente, ainda leu leu autonan tabata yega.

Aki por conclui cu ya caba hendenan sa cu despues di 11'or ta "The Club" t'e lugar cu ta keda habri. Pero diasabra anochi esaki a jega na su fin. P'awe dilanti Polis lo pone "The Club" riba nan lista pa controla despues di e ora di cierre.

Mirando cu e ta scondi y no tin cas eybanda, e por a keda habri. Ora cu otronan tabata cera, gruponan tabata bay na The Club. E dianan aki mes a mira auto di ex Minister y su socio amigo ruman madruga para eynan. Ora bo yega eyfo bo no sa mes cu tin un nightclub. Ta un porta tin y djey ta swipe como miembro y drenta.

Paden tin e ambiente scondi. Hasta ta ser bisa, cu paden tin oferta pa huur kamber si mester pa haci amor.

Manera menciona The Club ta riba nomber di Jeandrick, kende yiu di Otmar ta doño di e famoso club aki. Pero ki mishi miembronan cu carchi di Aeropuerto pa swipe y habri porta di FBO pa drenta den club. Pesey awe tin hopi pregunta manera: Unda seguridad a keda? Si FAA sa tur esaki, Aruba su Aeropuerto por wordo downgraded.

Puntra dicen Aeropuerto t'asina severo pa un trahador haya pas pa drenta y awor pa bira miembro di The Club pushi y cacho si por haya carchi pa swipe. Un biaha mas unda seguridad a keda?

Pa colomo haciendo nos investigacion no por haya ningun caminda cu The Club ta registra na Camara di Comercio. Ta kende a duna The Club tur e permisionan pa por opera como tal. The Club ta legal of ilegal. Y e Minister cu a dun'e tur e permisionan tambe tin cu carga e consecuenca p'e hecho aki.

Sano Huicio a prevalence

Scol Paso pa Futuro no ta muda mas



UN reunion larguisimo entre Sindicato di Maestronan, SIMAR y Minister di Enseñansa, Rudy Lampe a conduci na un acuerdo riba e ultimo obstaculo cu tabatin e maestronan preocupa. Ta trata di e mudansa di Scol Paso pa Futuro.

Ya caba a informa Prome Minister Evelyn Wever Croes, su si no pone un paro na intencion di Minister Rudy Lampe, cu awe dialuna por spera otro accion di maestronan. Pero Prome Minister Evelyn Wever Croes a pidi pa reuni cu Minister Rudy Lampe, p'asina sali for di e impasse aki.

Diasabra den oranan tempran di mainta a cuminsa e reunion entre un delegacion di SIMAR y otro di Ministerio di Enseñansa encabezada pa Minister Rudy Lampe. E reunion aki a bin riba iniciativa di Prome Minister Evelyn Wever Croes despues cu a logra yega na un acuerdo cu e sindicato SIMAR riba tur e otro puntonan di preocupacion pa loke ta tumando lugar den mundo di enseñansa.

Alrededor di 2'or di merdia a logra yega na un acuerdo caminda a haya e palabra di Minister Rudy Lampe cu Scol Paso Pa Futuro no mester muda for di e edificio den cual nan ta situa awor, esta banda di Postkantoor, si nan tin 144 alumno of mas.



SIMAR ta gradici tur esnan di veld y di parti di Gobierno a pone esfuerso di nan banda p'e partidonan logra yega na un acuerdo pa por trece tranquilidad atrobe den enseñansa, mientras cu ta prepara pa traha hunto y yega na un maneho, un maneho cu mester yega na dje a base di dialogo.

Aki un biaha mas, tabata Prome Minister Evelyn Wever Croes, kende a intermedia y a logra di paga e candel. Un biaha mas, t'e mandatario aki, kende a deshaci di decisionnan ya tuma dor di Minister Rudy Lampe, kende pa di tanto biaha a wordo "terug gefloten" y ainda no a tuma honor pa su mes, y retira pa no sigui causa daño na enseñansa en general na Aruba.

Entrada hudicial na Montserat y Palm Beach cu varios detencion



DIASABRA merdia pa atardi autoridad hunto cu team di observacion tabata vigila y prepara pa drenta un cas na Montserat.

Un cantidad grandi di Polis hunto cu Recherche a drenta y efectua detencion, tanto na Montserat y segun nos a compronde na Palm Beach, un poco mas pabou.

Segun por a compronde un total di tres hende homber a wordo deteni. Autoridad a continua ta listra den e cas y despues a pidi presencia di BFTO (Polis Tecnico) pa saca potret paden.

No ta conoci kico tur a wordo confisca y tampoco e motibo directo di e entrada hudicial.

Di parti Cuerpo Policial no a ricibi te cu awor un relato oficial di e accion aki.

Mata grandi di kwihi a cay riba auto na Palm Beach



DIASABRA mainta den careda di 11'or, un ciudadano cu a para su auto entre Barceló y Hyatt.

Ora cu el a bay bek na su auto el a haya esaki cubri dor di un mata grandi di Kwihi.

E ciudadano a avisa Polis cu a presenta y berdad a constatada cu e mata di Kwihi a kibra y cay riba e Suzuki Baleno color cora. Polis mester a pidi Cuerpo di Bombero y despues tambe D.O.W pa asina nan corta e mata. Pa loke t'e auto esaki a sufri basta daño material.

Nissan Cube a bolter na Pavia



DIABIERNA atardi informacion a drenta cu un auto a bolter na Pavia. Den e accidente aki no tabatin ningun hende herida. Loke a sosode tabata cu e Nissan Cube, pa un descuido a haci un maniobra y perde control bay dal un Toyota Yaris staciona. E auto a keda riba su banda. Seguro a presenta y a atende pa lanta auto y compila tur dato.

ANUNCIO IMPORTANTE ENTRANTE 1 DI JULI

Despues di un periodo di 3 luna, Elmar ta preparando pa reanuda operacion normal dia **1 di juli**. Esaki ta encera e.o. cuminsa cobra riba cuentanan atrasa.

Pa motibo di e cantidad di cuenta atrasa no lo por parti recordatorio di pago riba facturanan caduca.

Pa informacion tocante areglo di pago tuma contacto cu Call Center na 523-7100.

Elmar ta conseha tur cliente pa tene nan cuenta di coriente up to date pa asina evita desconexion.


ELMAR
-Redefining Energy-

Danki pa e comprension

523 7100 | customerservice@elmar.aw

Cacho a causa cu Altezza a perde control na Hooiberg



DIASABRA madruga den careda di 12:30, Polis a bay altura di Maiky's situa na Hooiberg pa un auto cu a drenta mondi.

Na yegada Polisnan a topa cu un Altezza hinca den e trankera pazuid di caminda.

No ta conoci kico realmente a sosode, pero n'e sitio por a tende cu e chauffeur lo a desvia pa un cacho y a perde control drenta e trankera keda pega.

Takelwagen a presenta y a saca e auto pa despues hibe adres di su doño.

Caminda tabata cera brevemente pa takelwagen por a bay cu e auto. No tabatin hende herida.

Aruba Softball Bond ta reactiva iniciando cu un curso virtual di WBSC pa Umpires

Aruba Softball Bond ta cuminsa poco poco pa restart temporada. Manera nos tur sa cu corona crisis a crea un impacto grandi y cambia tur programa na henter mundo y den mundo di deporte esaki no tabata diferente.

Aruba Softball Bond a inicia aña 2020 cu bunita plannan despues di a reuni cu tur organisacion durante luna di februari a ahusta su calendario cual tabata cla pa ranca sali 30 di april ultimo.

Lamentablemente pa rasonnan conoci tur actividad a wordo para. Poco poco Gobierno ta riba e caminda pa restart economia y habri frontera.

ASB lo keda enespera di e anuncio oficial di Gobierno ki dia por inicia cu actividad y of eventonan deportivo publico. Mas sigur esaki lo por ta rond fin di augustus.

Mientrastanto reunionan intensivo virtual riba sistema di "zoom" a continua cu WBSC p'asina ahusta tur programa y calendario di 2020.

Unico campeonato cu WBSC a laga riba calender ta Women World Championship U18 cual ta programa pa tuma lugar na Peru final di november y ta riba un week by week watch.

Invitacion pa Curso pa umpire virtual:

WBSC a apunta Roberto Perez di Canada y Santos Vasquez di Puerto Rico ambos bon amigonan di Aruba pa brinda tur umpirenan miembro di nan Federacion local un curso di diferente seccion via sistema virtual.

Diasabra awor e seccion na idioma Spaño lo inicia y Federacionnan tin te cu diamars pa sign up nan miembronan cu lo participa.

No mester ta un umpire certifica, pero hustamente esaki ta pa tur umpire miembro.

Final di juli tin riba programa e mesun curso, pero den idioma Ingles p'esnan cu ta prefera e curso na Ingles.

Aruba Softball Bond ta invita tur su umpirenan miembro y esnan cu kier afilia pa bira miembro pa tuma contacto cu Zuleyka Willems na 749-8459 pa mas informacion of pa afilia y asina ricibi oportunidad pa desaroya bo abilidadnan pa un otro nivel duna pa instructornan acredita pa WBSC den un programa special di WBSC (World Baseball and Softball Confederation).

Liña di telefon pa 60+


280-0505

GRATIS

8 OR DI MAINTA - 8 OR DI ANOCHI

BAN COMBERSA Y NO PREOCUPA

Polis di Noord y Recherche a detene homber cu tabata trata na obstaculisa nan trabou



DIASABRA den oranan di merdia pa atardi autoridad lo tabata haciendo un investigacion den e area di Bakval y un persona lo a falta autoridad respet y lo tabata strobando e Recherche nan di haci nan trabou.

No a keda autoridad n'e sitio nada otro di detene e homber aki y a pidi pa transportwagen.

E homber a wordo transporta cu transportwagen di Polis pa Warda di Shaba y su auto a keda confisca y cu takelwagen hiba pa Warda di Polis.

AVONDHAVO ARUBA

Durf de uitdaging aan!!!

Ben je gemotiveerd om je HAVO-diploma of VWO certificaten te behalen?

Schrijf je NU in!

Je kan je online registreren en inschrijven vanaf 22 juni tot en met 14 juli 2020
Je bent pas ingeschreven wanneer alle documenten zijn ingeleverd.

Informatie en instructie om je in te schrijven zijn te vinden op onze website:

www.avondhavoaruba.com.

Let op:

1. Schoolverklaringen voor de DIMAS en SVB en andere worden vanaf 1 september 2020 afgegeven.
2. Administratiekosten en examengeld worden niet gerestitueerd.
3. Schoolgeld kan niet in termijnen worden betaald. We hebben een swipe-machine voor de maestro-kaart. Cash-geld wordt niet geaccepteerd.



Mayoria di docentenan di Colegio Arubano

Ta insisti cu henter directiva di SMOA/SVOA mester entrega nan retiro

Esaki ta un di tanto peticionnan haci

COMO reaccion riba e carta di SMOA/SVOA, ALV (74% di e cuerpo di docente) kier informa lo siguiente.

Na prome lugar, e directiva actual di SMOA/SVOA ta insinua cu nan ta ocupa 15 pa 30 ora pa luna cu e dirigimento di Colegio Arubano.

Un mihor prueba di micromanagement nan no por a duna. E directiva nan prome cu esaki no tabata visibel na scol y nan tabata presenta un promedio di maximo 1 anochi pa luna pa reunion hunto.

En corto, e directiva mes a duna nan prueba di maneho riba nivel micro (den scol).

Di dos, ta hopi straño cu e directiva ta pidi Minister di Enseñansa pa ahusta e LVO di tal manera cu nan por haya pago pa nan trabou.

Desde cu e funda stichting SMOA na april 1959, e funcion di un miembro di directiva semper tabata riba base boluntario, unda hende ta dedica nan tempo cu amor na Colegio Arubano, hasta ora e scol tabatin 2500 alumno (Oranjestad y San Nicolas).

Awor e scol ta conta cu 1600 alumno. Curioso.



Pa finalisa, un observacion relaciona cu e biahenan di estudio VWO5 y HAVO4.

Dia 11 di juni 2020, den e carta p'e mayornan di e alumnonan cu mester a participa n'e biahe, e directiva ta informa cu e placa recauda, despues di desconta, dentro di 10 dia mester ta debilbi n'e mayornan.

Pues, si tin un saldo di sea schoolgeld of placa di buki, mester desconta esaki prome cu duna e placa bek paga n'e alumnonan.

Un manera hopi straño di anda, pasobra no por uza placa cu ta destina pa biahe pa paga cuentanan habri.

E destinacion di e placa aki ta para den contract y e mayornan a firma p'esaki.

Entretanto ya ta conoci cu Obispado di Willemstad y Comision di Mayor di Colegio Arubano (OCCA), teniendo na cuenta e interes di e alumnonan, e docentenan y e mayornan, pa medio di un Memorandum of Understanding, a pidi p'e directiva actual completo di SMOA/SVOA pa **DI DOS BIAHA** pa nan baha!

E directiva, cu ta traha a base boluntario, aunke cu awor kier compensacion monetario pa nan trabou, a dicidi di ignora e peticion aki pa **DI DOS BIAHA**.

Mientrastanto nan ta haciendo nan maximo esfuerso den tur medio, na contra-aresta tur loke e gruponan (Obispado, docentenan y mayornan) ta trece dilanti.



PARTICIPACION IMPORTANTE

En conexcion cu e situation actual di e Virus Covid-19 nos di AWEMainta ta pidi cooperacion di nos clientenan, pa tuma contacto cu nos via nos e-mail nan;

noticia@awemainta.com

toko@awemainta.com.

Sales via sales@awemainta.com.

Of via nos telefoon; 583-1400.

Tambe nos ta pidi cooperacion pa por haci tur pago via Online Banking.

Pago nan por wordo haci via nos cuenta bancario di **CMB # 22982600**.

Danki pa e cooperacion di semper.

Motociclista herida den accidente na Washington



DIABIERNA atardi, pasa di 6'or un accidente entre bromer y un auto a tuma lugar riba e caminda di Washington, y e motociclista lo tabata levemente herida.

N'e sitio Polis a compronde cu e motociclista a bay take a chance pasa, esaki tabata momento cu un Nissan March tabata bayendo zuid y kier a bay bira na su man robes.

Pero lamentablemente e bromer no a logra y ta causa e accidente. E motociclista a resulta herida cu varios herida na su pia, e impacto tabata den banda robes di e March. Ambulance a yega y atende cu e motociclista y despues nan a transporte pa Hospital.

Ta Busca pa Huur Per Direct:

Espacio entre 25 a Max 30M²

Pa Empresa di Catering Cuminda Frieuw

Den Area di Oranjestad West:

Engeland Str, Caya Ritmo y Vecindario

Cu Acceso Facil, Bon Manteni y Doño Amabel

Nos tin 24 Aña di Existencia na Aruba.

Ofertas na : vacaturas@yahoo.com,

Y nos lo Jama Di biaha!



Parlamentario Arthur Dowers

Minister Din Din Bikker no sa mes kico ta pasando na Imigracion

E momento a yega pa puntra Minister di Husticia, Andin Bikker kico realmente e sa di loke ta pasando aki na Aruba, miembro di fraccion di AVP den Parlamento, Arthur Dowers a declara.

E pregunta aki ta na su lugar sigur despues di e accion di trahadornan di Imigracion na Aeropuerto a dicidi di bay den accion, lagando pia di trabou pa motibo cu Gobierno a dicidi di habri frontera sin cu a tuma medidanan necesario pa proteha esnan cu ta trahando directamente cu hendenan cu ta bin for di exterior.

“Trahadonan di Imigracion diaranson a sali for di trabou pa protesta contra di e hecho cu Gobierno a dicidi habri frontera sin cu nan tabatin mascara, handsanitizer y nada otro p’e hendenan aki haci nan trabou den un forma mas safe posibel.

Ora cu nan a bay busca claridad cerca Minister di Husticia Bikker, esaki a contesta e grupo cu otro biaha nan manda un carta di antemano pa informa su persona kico ta kico, pasobra cu su persona no sa kico ta pasando den Imigracion y cu ta trabou di hid.

Tempo cu mi persona tabata Minister di Husticia, e don sabe lo todo aki, Din Din Bikker, tabata sinta den Parlamento, e tabata sa tur cos, e tabata sa tur loke ami mester tabata sa como Minister di Husticia y tambe tabata culpa mi persona pa tur cos, cu bay robes den e pais aki.

Awor cu Din Din a bira Minister, e ta sali bisa cu esaki no ta si e cosnan aki no ta responsabilidad di Minister y lo ta bon mi splica Minister Andin Bikker poco cos.

Si e pais aki ta pagando miles di florin, ya cu mi a tende cu tin contractnan masha lucrativo di entre otro hendenan di su mes partido of ex hendenan di su partido cu a haya placa grandi pa nan bay sinta

na mesa aworaki cu no tin cen, pa nan bay mira con ta haci cu reapertura di pais Aruba.

Esta con ta bay habri frontera, conta bay re-start economia di e pais aki y bo sa cu e cos mas fundamental ta, cu bo tin cu bay percura pa turistanan bini bek.

Si turistanan tin cu bin bek e pais aki, bo tin cu percura pa nan bin sano na e pais y bo tin cu percura pa por si acaso un hende bira malo, e ta wordo proteha mas mihor posibel. E prome persona cu turistanan ta topa ora cu nan yega oficialmente aki na Aruba, ta persona di Imigracion ya cu e grupo aki ta e frontrunner di e pais aki pa loke ta trata turismo, ta Imigracion.

Awor Andin Bikker no bin pretende cu a pesar cu ta Minister pa casi tres aña caba y tabata ocho aña largo den Parlamento, cu e no ta na altura cu e no sa di esaki.

Tampoco por compronde con Andin Bikker por bin bisa, cu un di e cosnan mas fundamental pa persona di Imigracion haci nan trabou, ta cu nan mester ta bon protehi y Andin Bikker no por bin bisa cu awor frontera a habri, cu su persona despues di tanto luna cu a bin ta gasta placa di pueblo pa paga riba reapertura di frontera, cu su persona no tabata sa cu mester cumpra handsanitizer y cu e no tabata sa cu mester a cumpra mascara di proteccion pa e hendenan aki traha cu nan.

Cu e no tabata sa tampoco cu mester bin un glas protecto pa nan traha tras di esaki.’

Laga nos ta honesto Minister Bikker, si bo persona tabata un Minister pragmatico manera bo mes a propaga na pueblo, cu bo ta un ministerio serio, un Minister dedica, bo por a stop un rato, bo por a sali for di e bar caminda bo tabata bebe y bay na Imigracion pa bay tira un bista.

E no ta costa bo nada Minister Bikker y bo ta para y baha un rato pa tira un bista si tur cos ta na ordo, p’e hendenan cu mester haci nan trabou mañan.

Anto abo cu tin e pretencion, paso tur hende sa cu bo ta sinta na bo oficina den bestuurskantoor, caminda bo no ta haciendo nada, ya cu ora tin problema cu Polis bo ta yama Minister Maduro pa bin yuda bo, ora cu tin otro problema bo ta core sconde tras di otro Minister manera Minister Presidente, pero abo Andi mes no ta sali bin enfrenta ningun hende.

Anto awor Bikker bo ta bin bisa trahadornan di Imigracion ta bin bisa bo cu no tin handsanitizer, no tin mask y no tin glas protector a wordo buta pa despues bin bisa pueblo cu bo no tabata sa di e cosnan aki.

Andi Bikker kico bo sa? Bo sa ki dia bo ta bay baha? Laga nos ta honesto ya cu Bikker ta bisa cu esaki no ta su trabou, pero ban ta grandi, ta Bikker su trabou pa como Minister pidi un otro Minister pa retira?

Esey Bikker no ta bo trabou, pues n’e momento cu bo tabata dedica bo mes na studia e carta, pa bo lese y coregi tur fout pa despues tur hende haya sa cu e no a ni lesa e carta aki, e tempo ey Bikker mester a usa pa atende cu cosnan principal.

E pueblo aki ta depende di turismo, esey ta no pilar economico principal y t’eyan Bikker su atencion mester tabata pa atende cu esnan cu mester traha cu turistanan cu ta bin nos pais, cu nan ta safe y cu nan por pasa mas miho posibel. Bo a faya Bikker pa di tantisimo bes, caminda bo a laga seis pedofiel bay na momento cu bo a caba di bira Minister y e tempo ey tur hende a kere cu Bikker no sa kico e ta haci, pero awor Bikker mes ta bin admiti cu e no sa kico ta pasando na Imigracion.

Ta kico bo ta haciendo eyan ainda? Ta mihor bo persona busca un manera pa baha na awa y laga un hende cu si sa y laga nan atende cu e asuntonan aki, pero ta hopi duidelijk cu e sapato y bachi cu Bikker a bisti, simplemente ta kede mucho grandi,” Parlamentario Arthur Dowers a declara.

OCCA

E cachonan ta blaf, mientras cu e caravana ta sigui su caminda...

NO mester splicacion cu e reaccion di SMOA/SVOA, publica riba 19 di juni 2020, riba e punto di bista di Obispado di Willemstad (e representante mas halto di Iglesia Catolico na Aruba) y di comision di mayor di Colegio Arubano (OCCA) ta un falta di respet inprecedente pa tur dos organisacion. Tambe prensa local a publica un reaccion di e posicion irrespetuoso di e directiva. E directiva a scirbi: “ Nos a haya falta di boso pensamiento y oracion durante e menasa di *school shooting* na januari e aña aki y durante e crisis di Covid”.

Por sinti e desprecio den e declaracion aki. Esaki ta aclarea kico t’e problema den e situacion actual di conflicto entre e personal di Colegio Arubano y e directiva. Ta hustamente e mesun actitud condescendiente y arrogante aki cu e directiva tin den su comunicacion cu e miembronan di personal na scol.

Ta un hecho cu banda di e rector, tambe e conrector, docente y otro miembro di personal a bandona e scol den e ultimo tres añanan, ta suavemente bisa, yamativo, y esaki ta trece daño cu ne na Colegio Arubano.

E daño, den temporada cu tin escasez di docente, no por drecha mas si no bin un final pronto na e conflicto aki.

Ademas, ta straño cu e directiva ta “decepciona” cu e hecho cu Obispado y OCCA a forma nan mesun opinion tocante e situacion na Colegio Arubano sin cu e directiva tabata tin oportunidad pa duna nan banda di medaya. Tabatin varios reunion cu a tuma lugar entre SMOA/SVOA hunto cu Obispado y OCCA.

Sin embargo, di e reunionnan aki no por a yega na nada y ta hustamente esaki mes a fortalece e posicion di e dos organisacionnan aki, cu e directiva mester baha.

Diabierna 22 di mei Obispado a pidi e directiva pa baha pa medio di un carta. Pero esaki no a yega na atencion di sr. Koffy di OCCA.

Pues, e nombramento di sr. Robert Croes como Presidente di SMOA/SVOA dia 27 di mei a sosode sin cu e informacion importante aki yega for di e propio voorzitter. Den cuadro di bon gobernacion y transparencia, cu ta hustamente loke e directiva actual ta pronkia cu ne, ta un hecho cu e directiva actual no lo gana premio cu ne.

Y relaciona cu e retiro di e rector, e directiva a compronde “dat ze (mevr. Van Loon) een andere baan had aangeboden gekregen” (mevr. Van Loon a haya un otro ofrecimento di trabou). E directiva a “compronde” esaki, pasobra esaki ta cuadra den nan maneho cu engaño y mentira.





E ponencia aki absolutamente no ta cuadra cu berdad. E rector a entrega su retiro, pasobra e, como profesional capacita, no tabata desea mas di traha cu un directiva cu ta trat’e como un trahador cu mester djis tuma ordo, autoritariamente y sin respet.

E procedura di seleccion di rector nobo, ALV ta tumando parti na dje, pero bou PROTESTA. Esaki directiva a lubida, pa casualidad, di scirbi den nan comunicado na Obispado y OCCA. Proporcionalmente mester tin participacion di 3 miembro di e cuerpo (cu ta consisti di 90 persona) den e comision aki, manera tabata e caso na aña 2016.

Pa loke ta trata finansa di scol, e directiva semper tabatin un tarea di delega y controla. Esaki tabata asina desde a funda Colegio Arubano. Pero, awor cu e directiva tin tur cos den nan man (boekenfonds y un fundacion financiero recién funda), e pregunta ta: Ken ta controla e directiva? Un directiva asina, cu no ta tuma integridad, bon gobernacion y transparencia na serio, por ta un ehempel pa e alumnonan di un scol? Kisas ta ora p’e subsdiente haci un investigacion riba e finansa di e scol?

Resumiendo, por conclui cu Obispado, OCCA, mayoria docente y gran parti di e personal cu no ta docente, ta di opinion cu no tin sosten mas p’e directiva actual. Si e declaracion di Plus Accountants ta corecto, esta cu no tin pago (ainda) haci n’e miembronan di directiva, ta dicon anto e miembronan di directiva no ta djis tene honor nan nan mes y baha boluntariamente.

Motociclista a fractura brasa den accidente di trafico na Tanki Leendert



DIASABRA anochi Polisnan tabatin man yen cu diferente asistencia, varios tabata inclui accidente di trafico. Diasabra den careda di 9'or informacion a drenta di un accidente entre bromer cu auto dilanti Misa di Tanki Leendert. Mesora un unidad policial cerca a yega n'e sitio y a constata cu e motociclista mester asistencia medico. N'e sitio nos a compronde cu e motociclista a fractura parti di su man durante e accidente.

E bromer tawata un Dirt bike y un Nissan March cu tabata deliver pizza pa Domino's. Loke a sosode tabata cu e Nissan March lo mester a bay un adres pa deliver pizza, y lo a bira na robes.

Aki ta unda cu e lo no a mira e bromer debi cu e lo no tabatin luz. N'e sitio despues di accidente algun persona cu lo conoce e motociclista kier a bay reclama chauffeur di March, pero Polisnan n'e sitio a intermedia mesora. Dor cu ta un accidente. Ambulance n'e sitio a atende cu e motociclista.

Kiwanis Club of Aruba a haci

Donacion di “trauma dolls” y cos di hunga pa mucha na Cuerpo Policial



RECIENTEMENTE e miembran di Kiwanis Club of Aruba a haci un bishita na Warda di Polis na districto di Oranjestad unda a reuni cu Chef di Districto di Oranjestad sr. Alvin Molina, vocero suplente di Cuerpo Policial Aruba sra. Liliana Rasmijn, sra Janine Rodriguez di “Slachtoffer Hulp” y Coordinador di Jeugd en Zeden Politie (JZP) Sr. Eric Barry.

E bishita a bay den un ambiente ameno y teniendo na cuenta e protocol di distanciamento social.

Entre e topiconan cu a elabora riba dje tabata e ultimo desaroyonan relaciona cu e trabou di Polis, crimen y abuso di mucha como tambe con Cuerpo Policial Aruba ta mantene ordo publico y seguridad na Aruba.

Despues di e reunion a ricibi un “tour” di e Warda di Polis y a bishita diferente departamento.

Na luna di october aña pasa Kiwanis Club of Aruba a aserca Cuerpo Policial Aruba caminda a haci un presentacion di e proyecto di “trauma dolls”.

E “trauma dolls” ta wordo usa na diferente Departamento di Polis rond mundo pa yuda e Polis resolve casonan. Cuerpo Policial Aruba a reacciona positivo y a apoya e iniciativa di e proyecto di “trauma dolls” cu sigur ta di bon uso pa Departamento di JZP y Slachtofferhulp. E proposito di e “trauma dolls” banda di yuda Polis resolve casonan ta pa duna consolacion n’e mucha cu lamentablemente a wordo molestia y of abusa sexualmente of cu




a experiencia violencia domestico. E mucha por señala na Polis cua t’e parti di su curpa cu a wordo herida of mishu inapropiadamente. E mucha por pinta un cartristo of contento riba e popchi pa expresa con e ta sinti n’e momento ey. Ademas di entregamento di e ‘trauma dolls’, Kiwanis Club of Aruba ta sumamente contento di por a haci un contribucion directo na Cuerpo Policial Aruba su “Kids Corner”.

E donacion ta consisti di e.o.: Mesa y stoel pa mucha, puzzel, diferente wega di mesa pa mucha di diferente edad, diferente articulo pa pinta y skirbi y hopi mas. Ademas Kiwanis Club of Aruba tambe a entrega su “signature project Kamishibai theatre” y e 4 storianan di mucha cu e club a produci. Kamishibai ta un arte di contamento di storia pa mucha cu ta hopi interactivo.

E “trauma dolls” y cosnan di hunga lo wordo distribui n’e 4 Wardanan di Polis den diferente districto. Cu e donacion aki Kiwanis Club of Aruba ta spera cu por yuda Cuerpo Policial Aruba como tambe e muchanan ora bishita e Wardanan di Polis di por tin un experiencia mas ameno.

Finalmente Kiwanis Club of Aruba ta gradici Cuerpo Policial Aruba pa nan trabou incansabel cu nan ta eherece tur dia p’asina brinda seguridad na nos comunidad y pais, combati crimen como tambe mantene ordo publico.

Accidente cu personanan herida riba Belgiëstraat





DIASABRA merdia pa atardi algo pasa di 3'or, un accidente cu hende herida ta sosode na altura di veld di Riverplate. Na yegada di Polis, nan a bin topa un Chevrolet Tahoe y un SUV color shinishi.

Polis na yegada a constata cu tin tres persona herida. Mesora Polis a pidi pa Ambulance.

Na yegada di Ambulance, un di esnan herida no tabata kier asistencia medico. Despues di basta papiamento y splicacion cu si algo pasa e persona despues ta riba su mesun responsabilidad. Asina e persona a dicidi di acepta p'e wordo atendi p'e Paramediconan.

E accidente mes a sosode momento cu e Tahoe tabata bayendo zuid y via Ierlandstraat, e SUV shinishi subi caminda cu e consecucionan ya menciona. Ambos auto a ricibi hopi daño material.

Participacion



TUMANDO masha na serio e caso di COVID-19 (Coronavirus) na Aruba y sigui cu recomendacionnan di Gobierno, gerencia di AWEMainta ta ofrece tur esnan cu kier sigui noticia, pa registra pa recibi tur dia, sin mester di sali for di nan cas AWEMainta, GRATIS. Y asina ta keda altanto di loke ta pasa na Aruba y rond mundo.

Ta pesey AWEMainta como e prome corant digital tin e circulacion mas grandi. Bisando esaki, nifica cu tur esnan cu ta desea di pone nan advertencia den AWEMainta, nan ta mas cu bon bini. Nos tin tarifanan masha economico, pa yudabo cu bo benta.

Banda di e corant digital, tur hende por sigui e noticianan di AWEMainta riba nan website y tambe via nan facebook.

Djies type www.awemainta.com

Tur hende cu ta desea pa manda nan noticia y/of nan advertencia, por haci esaki mandando esaki na noticia@awemainta.com.

Y asina lo yudabo keda den contacto cu tur persona cu abo ta desea.

Laga AWEMainta t'e vehiculo di bo contactonan.

Danki p'e confianza

Gerencia di AWEMainta



Famia ta anuncia fayecimento di e 'Cantor di Pueblo' Vicente Kelly

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Magdalena Krozendijk-Kelly
*20-09-1940 - †16-06-2020

Na number di su:

Casa stima: Hendrik Krozendijk

Yiunan: Aimo F. y Juanita Krozendijk y famia

†Enrique L. Krozendijk

Hendrik T. y Alba Luz Krozendijk y famia

Michael R. Krozendijk

Nietonan stima: Germaine Krozendijk y famia

Michael Krozendijk y famia

Aldrick Krozendijk y Andrea Feliciano

Gerrick Krozendijk

Geraldine Krozendijk

Luis L. Krozendijk

Bisnietonan stima: Giabella y Gianella Krozendijk

Mama: †Agnes E. Kelly

Tata: †Francisco Webb

Rumannan:

†Luis B. Kelly

Asuncion Kelly

Ambrosio Webb y famia

Filomena Perez-Webb y famia

Emiliano Webb y famia

Ignacio Webb y famia

Martin Webb y famia

Reina Matos-Webb y famia

Thomas Webb y famia

Maria Webb y famia

Mario Webb y famia

Luciano Webb y famia

Valeria Webb y famia

Cuña: Maria Statius y famia

Marcelina Statius y famia

Ihanan: David Paesch, Tina Quandus, Lucia Webb,

Roberto Geerman, Monique Coronel, Judith Omaira

Britten

Primanan stima manera ruman: Maria Boekhoudt

y famia, Editha Faro y famia, Reina Webb y famia, Lucia

Webb y famia, Marcella Britten y famia,

Tanta y omonan, sobrino y sobrinanan, primo y primanan, ccomerr y compernan, tur su bon bisñanan y demas famia y conocirnan

Demas famia: Krozendijk, Kelly, Webb, Boekhoudt, Britten, de Cuba, Paesch, Everon, Statius, Thiel, Geerman, Wernet, Coronel, Rasmijn, Wernet, Faro, Henriquez, Rib, Naar, Maduro, Feinrich, Perez, Matos, Olivir, Ridderstaat, Gei, Everon, Tromp, Del Ducca, Andrade, Ras, Quandt, Quandus, Pontilius, Wever, Willems, Dabian, Feliciano

Si en caso nos a lubida un famia, nos ta pidi nos disculpa.

Ta invita pa e acto di entierro cu lo tuma lugar diaranson 24 di juni 2020 di 2'or pa 4'or di atardi na misa Inmaculada Concepcion, despues saliendo pa Santana catolico Pastoor de Vries na Sta. Cruz. Nos defunto stima lo ta repos ana cas for di 11'or di mainta na cas; Papijon # 6



DIASABRA mainta famia y pueblo di Aruba a ricibi e noticia lamentabel cu e gran artista stima Vicente Kelly a bay laga nos.

Na un edad respeta di 69 aña Vicente pasa su ultimo tempo na Huize Maristella. Vicente Kelly ta un legendario musico y compositor cu a nifica hopi p'e cultura di Aruba.

Conoci pa su forma unico di toca cu acordeon el a alegra hopi generacion. Su composicionnan semper a hala atencion sea pa ilustra su amor p'e isla di Aruba of pa tin letranan chistoso. Vicente hunto cu su bandanan; Los Juveniles, La Nueva Fuerza y Los Pimentosos pa varios generacion a participa na varios festival y a toca na centenares di fiesta y concierto.

Den exterior tambe Vicente Kelly a sa di gana curason di hopi cu su presentacionnan unda semper el a hiba Aruba su number den su curason. Entre otro el a yega di participa na Valledupar, Colombia na Festivalnan di Acordeon, tocando musica vallenato.

Como tata tambe Vicente tabata un homber cu semper a stima su yiunan y e dedica tempo na cada un di nan talentonan.

Vicente ta tata di Carolyn Kelly, Elton Kelly, Reynold Kelly y Ariane Ojeda Kelly. E tabatin un total di 8 nieto y nieta y tabata casa cu señora Elvia Kelly.

Biniendo bek riba e parti di cultura algun di sin fin di exitonan cu Vicente a sa di crea 'Santa Cruz', 'Polin tin Shete Buraco', 'Den scochi bo mama', 'Djaca den trampa', "Kavel of sin kavel" y hopi otro cancionnan cu a bira un exito riba nos isla como tambe den exterior. Aruba sigur lo sinti falta di un baluarte di nos cultura.

Den e siguiente dianan lo comparti e detayenan pa cu e forma cu lo despidi di Vicente. Cu Vicente Kelly descansa na paz. Forza na su famia den e momento dificil aki.

Royal Aurora Funeral Home & Crematory

Señor ta mi Wardador, mi n' tin falta di nada;
den cunucu di yerba berde E ta pone mi sosega.
E ta hiba mi na awa trankil, pa mi bolbe haya forsa.
E ta guia mi den caminda drechi fiel na su number
Salmo 23 : 1-3

A fayece cristianamente



Juan Ramiro Tromp

mihor conoci como Ramiro
na edad di 85 aña

*27-10-1934 – * 19-06-2020

Na number di su yiu: Sergio Tromp
su ex-esposa: Lucila Croes

Su rumannan:

Donald (Donny) Tromp

Juan y Ina Tromp y famia

Ronald Tromp y Lourdes Figaroa

Sra.vda. Candy Racamy-Tromp

Theresita Tromp

Emelinda Tromp

Su subrinonan:

Rosita Baarh-Chan, esposo Royce y famia

Stella Tromp-Chan, esposo Philippus y famia

Sang Chan

Tack Chan, esposa Regina y famia

Johnny Chan

Alvaro Tromp na Hulanda

Cesario Tromp

Anthony Geerman, esposa Soraya y famia

Yvonne Fouchard-Tromp, esposo Vladimir y famia

Sandra Vrolijk-Tromp, esposo Jose y famia

Su primo y primanan, amigonan, bisñanan, compañeronan y trahadornan di Cas di Machi.

Accidente di tráfico cu morto

Royal Aurora Funeral Home & Crematory

She drew her last breath in sleep and slipped away quietly from this earthly plane. We are grateful for her welcome by the embracing love of Mother Mary.

Nos ta anuncia fayecimento di:



Theresa Chiew-Cheng

Ex doño di Casa Chiew
*11-10-1931 - †12-06-2020

Na number di su

Yuinan: Juliet Chiew
Edmund y Andrina Chiew na Orlando, Florida

Nietonan: Erik Chiew na Lake City, Florida
Sofia Menendez na Toronto, Canada

Primo y primanan: Dr. Arthur Chen y famia na Trinidad
Dr. Wilfred Chen y famia na Trinidad
Jenny y Sui Kiim Tsang y famia na

Hulanda

Inlaws: Chow Shun Sang y Suet Hing Lo na Aruba
Chow Yen y famia na New York
Chow Fook Chin y famia na Amsterdam
Chow Fook Kiu y famia na Hong Kong
Zhou Shuyi na Foshan, China

Sobrinonan: Chow Sam y Erika y famia na Aruba
Chow Kamman y Amanda y famia na Orlanda,
Florida

Chow Chris y Helen y famia na New York
Chow Alison y famia na New York
Zou Wei Ging y Wong Olivia Sau Hong na

Suriname

Lee Kang Choi y famia na Aruba

Estimado amigo y amiganan di hopi anja: Wen Yi Chai, Eddy y Lilin Wever, Roberto Clement y famia, Maria Romano y famia, Tony y Ivonne Lo, Yuklane Lo, Farley y Karin Yie-A-Swie y nan famia, Clifton y Ingrid Ling y famia, Yolanda Ling y famia. Chunxiang Ye

Ta invita pa asisti na acto di entierro cu lo tuma lugar na Aurora Funeral Home dialuna 22 di juni 2020 for di 2'or pa 4'or di atardi despues lo sali pa santana di Gobierno na Playa.

WILLEMSTAD -Diadomingo 21 juni 2020, alrededor di 01.33 or, Central di Polis a dirigí un unidad p'e cruzada Kaminda George Willems y un caminda sin nòmber pa un accidente di tráfico, entre un auto y un bròmer. Na yegada di e promé unidad, el a topa cu dos (2) bròmer benta riba e caminda mencioná y un dama, chofer di un di e bròmernan gravemente heridá.

For di investigacion cu Polis a realisá n'e sitio, a sali na cla cu e dama chofer di e bròmer hunto cu un otro chofer di un otro bròmer tabata coriendo riba e Kaminda George Willems direccion Ronde Klip.

Na altura di e caminda sin nòmber chofer di e auto a sali subi e Kaminda George Willems sin duna preferencia n'e bròmernan cu tabata asercando.

Dor di e acto aki e dama chofer di un di e bròmernan a bay dal contra banda robes di e auto.

E otro chofer di e bròmer a logra desviá y bay cay for di su bròmer. Debi n'e accidente aki e dama víctima a sufri lesionnan basta serio y a bin fayece n'e sitio.

Alrededor di 02.50 or dòkter di Polis kende a presentá n'e sitio, a constatá morto di e **dama Sharmaine Daniela Florentina**, nacé na Còrsou, dia **15 di febrüari 1974 (40 año)**.

Ambulance a transportá e otro víctima pa C.M.C. pa ricibí tratamiento médico.

Riba òrdo di Fiscal di Ministerio Público a confiscá e curpa sin bida di e víctima pa mas investigacion. Personal di tráfico ta continuá cu e investigacion.

Royal Aurora Funeral Home & Crematory

Gradicimento:

Pa medio di esaki Famia Hirschfeld kier a gradici tur esnan cu a sostene nos durante enfermedad, fayecimento y entierro di nos defunto stima:



Saul Daniel Hirschfeld

*06-09-1960 + 02-06-2020

Un danki ta bay na e siguiente personanan/instancianan/organizacionnan:
Su dokter di cas: Dr. B.A. Every y tur dokternan suplente.
Neurologen: Dr. Gonzalez, Dr. Cauda y Dr. Meelis, Dr. Jorge Luis Orozco y tur e dokternan cu a atende na Fundacion Valle Del Lili (Cali, Colombia). Centro di Recuperacion "Bela Nova".
Internist: Dr. Kelly, Radiotherapist: Angela R. Zambrano (Colombia). Hemato-oncologia: Carmen Manuela Castillo.
Neuro-chirurg: Dr. Vallejo, Dr. Greg Lacle y Dr. Javier Lobato (Colombia). Oncoloog: Dr. Jonkhoff. Radioloog: Dr. Fransisco Jose Medina Valencia. Longartsen: Dr. Kock y Dr. Schwengle. Specialistanan: Dr. Waterloo y Dr. Hanna Lanting. Dokternan y Verpleegkundigen na Eerste Hulp, I.C.U. y di HOH piso 2. Botica Sero Preto y Botica Aloe, Centro di Memoria, AZV cu no a tarda pa mand'e Colombia. Martijn Trading, Lili Prins di Wilhelmina Kankerfonds, Bibi Arends di Aruba LionsClub, Lite Life, Oud Ambulance, Therapista: Sra. Monica, Cecilia Howell di Alpa Hulp (WGK), Checkpoint Color, Aurora Funeral Home. Famia, bisinanan, amigonan, ex-colleganan y tur cu a sostene nos di un of otro manera y a duna atencion na nos defundo stima. Dios bendishona bosu ricamente.

Glenn Thodé miembro nobo di Cft di Boneiro, Sint Eustatius y Saba



KRALENDIJK - Den e reunion di Consejo di Ministro di Reino di dia 19 di juni 2020 a nombra Dr. Glenn A.E. Thodé, miembro di Cft postula p'e entidadnan publico Boneiro, Sint Eustatius y Saba entrante dia 1^o di juli 2020.

Como tal e ta sucede señor Herbert Domacassé, kende su periodo ta vence dia 1^o di juli.

Sr. Glenn Thodé a yega di eherce diferente funcion na Bonaire y Aruba. For di 2012 e ta rector di Universidad di Aruba. Prome cu esey e tabata di 2008 te 2011 Gezaghebber di Bonaire: e prome añanan di Teritorio Insular di Boneiro y for di october 2010 di Entidad Publico Bonaire.

Na cuminsamento di su carrera - di 1992 te 1998 – sr. Thodé tabata activo como instructor di software y administrado di sistema.

Despues di su estudio di Ley el a continua durante mas di dies aña su carrera den mundo academico, den cual e tabata vincula na Universidad di Aruba y Universidad Estatal di Groningen, entre otro como docente, colaborado científico (principal) y rector interino. Na 2006 el a doctora na Universidad Estatal di Groningen.

Dentro di poco sr. Glenn Thodé lo bira miembro di directiva di Fundacion Scholengemeenschap Bonaire.

For di e aña aki e ta Presidente di Fundacion Nature Trust y for di 2017 Presidente di Consejo Electoral di Aruba. Ademas, for di 2014 e ta dirigi como Presidente e Comision di Supervision di Proteccion di Dato Personal di BES.

Anteriormente el a yega di desempeña varios otro funcion social. Asina, p.e., e tabata Presidente di Hunta di Supervision di Fundacion Fondo di Pensioen General di Aruba y Presidente di e Comision di Guia di Evaluacion di e Leynan di Consenso di Reino di Husticia y di e Comision di Consejo SGB pa asesora Secretario di Estado y Ministro di Enseñansa, Cultura y Ciencia. Tambe e tabata miembro di e Comision di Evaluacion di Structura Estatal di Hulanda Caribense (Comision Spies).

Presidente prof. dr. Raymond Gradus ta gradici señor Herbert Domacassé p'e colaboracion grato y su dedicacion pa supervision financiero di Hulanda Caribense. Señor Gradus ta spera un bon colaboracion cu señor Glenn Thodé.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL